

Antonio Palitta

MESSENDE

Premio speciale della Giuria (Logudorese)

Bestidu 'e carignos de fogu
tamba tamba camino
subra 'e bragias azzesas.
Sa falche,
rugia,
paret messende fiamas,
e-i sa funtana
hat piantu s'ultima lagrima.

No unu puzone in sos chelos,
no una colora in sos fenos:
o sun cottos arrustu
o, zegos,
si che sun bettados in mare.
Eo puru,
guasi maccu,
so pro abboigare
chi essan a mesudie sos isteddos.

MIETENDO

Vestito di carezze di fuoco procedo barcollando su braci ardenti.
La falce rovente pare che mieta fiamme; e la fonte ha piantato l'ultima stilla.

Non un uccello nel cielo, non una serpe nel fieno: o sono morti arrostiti o, ciechi, si son gettati in mare. Anche io, quasi folle, ho voglia di gridare che spuntano le stelle a mezzogiorno.